

Без нея быти невозможно.

И еще ми много слово недостало рещи о твоём мужестве и храбрѣстве,  
20 И о совершенной твоей добродетели к богу, и о душевном паки  
богатстве,

И о божиих к нам великих щедротах, и о долгом терпении,  
И о нашем к нему жестосердстве и всегдашнем неисправлении.  
И хожем вспомянути твою к себе милость и рещи о своей скорби  
и недостатце,

Не мощно бо великия ради нужды преминути сего въкратце.

25 И еще без лености хошу потружатися чернилом и пером

И убогою своею мыслию и недостаточным своим умом,

Понеже мысль моя разгорается во мне, аки пламень в печи,

л. 48 Нудит мя о всем || твоём добродееании доволне рещи,

Аще и без нас недостойных идет о тебе предобрая слава всюду,

30 Яко всегда имеши на враги меч свой остр обоюду<sup>а</sup>

Да неизлиха будет и наше малое сие к тебе, государю, прошение,

Понеже отняли есте тогда от всех поношение.

Что же рѣем и что возглаголем, но вспомянем выше реченное слово.

Было же врагов наших зияние на нас, аки рыкание львово,

35 И мыслили во уме своем владети во веки землю Руссийскую,

Якоже поганья богомерзкия турки и ныне владеют Палестинъскою

И господь бог совет их разорил

И гордость их до конца низложил.

А ведомо есть, стояли на нас, аки острия ножи.

40 И паки господь бог не дал им того сотворити и по их умышлению  
не учинилося,

И все великое государство на них врагов въкупе с вой собралося.

л. 48 об. И дал нам бог || вас крепких и неслестных по вере побарателей,

Что отгнали от нас таких злых и немилостивых наругателей

И что учинил<sup>б</sup> такову славу и похвалу в нынешния роды,

45 Якоже вы избавили всех православных християн от конечных тоя  
незгоды.

Неложно паки пред всем государством правда ваша изошла,

Якоже преже помянутая Июдив всего Израиля спасла,

Якоже тогда от единых жены все асириане ужасилися

Такоже и наши враги от крепкаго вашего сражения смесилися.

50 И побегоша кождо их с страхом и трепетом и придоша неправе,

И не возмогоша урядитися к многокозненной своей справе,

И объят их весь страх и трепет от вашего против их воополчения,

Паче же от божия и от пречистыя его матери и нашея заступницы  
поможения.

А и ныне надемся на божия его щедроты и пречистую царицу

л. 49 55 И ея ради || молитв являет<sup>а</sup> нам победительную свою десницу,

И на государевы праведныя молитвы, яже самому<sup>1</sup> всесильному богу,

Да претъкнет их окаянных и богоборных нечестивую ногу,

И на вас крепких его государевых воин и неизменных воевод,

Да разсеяни будут с своим умышлением, аки древний исполин Неврод,

60 Понеже без вины хотят нашу православную веру на разорение.

Обаче рещи есть и наше пред богом велие и согрешение

Сего ради подобает о том бога молити и просити со слезами,

Понеже всегда за грехи наша смиряет нас всякими бедами.

Аще учнем ему с верою молитися, не предаст своего создания

<sup>а</sup> Испр.; в ркп. обоюду остр. <sup>б</sup> Начало слова в ркп. стерлось. <sup>в</sup> Начало слова в ркп. стерлось. <sup>1</sup> В ркп. слово читается с трудом.